

**Sullivinnut børsimi nalunaarsukkanut ukiumoortumik naatsorsuusiortarneq pillugu inatsimmi ilaatinneqartunut tunngatillugu ukiup ilaanut nalunaarusiortarneq pillugu Kalaallit Nunaannut nalunaarut (Ukiup ilaanut nalunaarusiortarneq pillugu nalunaarut)**

Ukiumoortumik naatsorsuusiortarneq pillugu inatsimmi, Kalaallit Nunaannut kunngip peqqussutaatigut nr. 625-kut 23. juni 2008-meersukkut atortuulersinneqartumi, § 134 a aamma § 164, imm. 3 aamma 4 naapertorlugit, aalajangersarneqarpoq:

**Kapitali 1**

*Ukiup affakkaartumik nalunaarusiorneq*

*Ukiup affakkaartumik nalunaarusiortussaataaneq*

§ 1. Ingerlatsiviit børsimi nalunaarsukkat, EU-p iluani nunami imaluunniit nunami allami, EU-p isumaqatigiissuteqarfigisimasaani, fondsbørsimi aktianik nalunaarsugassanngortitalit, nalunaarummi matumani aalajangersakkat malillugit ukiuni naatsorsuiffiusuni tamani qaammatit arfinillit siulliit pillugit nalunaarusiortassapput (ukiup affakkaartumik nalunaarusiorneq).

*Imm. 2.* Sulliviit børsimi nalunaarsukkat allat, ukiumoortumik naatsorsuusiortaneq pillugu inatsimmi, Kalaallit Nunaannut kunngip peqqussutaatigut atortuulersinneqartumi, § 7, imm. 1, oqaaseqatigiit aappaat, nr. 4 naapertorlugit naatsorsueriaatsimut D-mut ilaatinneqartut namminneq aalajangissavaat, nalunaarummi matumani aalajangersakkat malillugit ukiup affakkaartumik nalunaarusiussanerlutik. Sullivik taamaattoq ukiup affakkaartumik nalunaarusiorniarpas, sulliviup nammineq kisimi atugassarinnngisaatut naatsorsuussaasumik, nalunaarummi matumani aalajangersakkat atuutissapput.

*Imm. 3.* Sulliviit børsimut nalunaarsukkat, ukiumoortumik naatsorsuusiortaneq pillugu inatsimmi, Kalaallit Nunaannut kunngip peqqussutaatigut atortuulersinneqartumi, § 7, imm. 1, oqaaseqatigiit aappaat, nr. 1 naapertorlugit naatsorsueriaatsimut A-mut ilaatinneqartut namminneq aalajangissavaattaq, nalunaarummi matumani aalajangersakkat malillugit ukiup affakkaartumik nalunaarusiussanerlutik. Sullivik taamaattoq ukiup affakkaartumik nalunaarusiorniaroni, sulliviup nammineq kisimi atugassarinnngisaatut naatsorsuussaasumik, nalunaarummi matumani aalajangersakkat atuutissapput, tassami sullivik ukiup affakkaartumik tamakkiisumik naatsorsuusiunngitsoorsinnaallunilu aqutsineq pillugu nalunaarusiunngitsoorsinnaavoq.

*Ukiup affakkaartumik nalunaarusiamut ilanngunneqartussat*

§ 2. Ukiup affakkaartumik nalunaarusiaq makkuninnga imaqassaaq:

- 1) Ukiup affakkaartumik naatsorsuutit, taamaattoq tak. imm. 3,
- 2) ingerlatsiviup ilaata sullivimmit aqunneqartup ukiup affakkaartumik tamakkiisumik naatsorsuutai (tamakkiisumik naatsorsuutit ukiup affakkaartut),

- 3) aqutsinermik nalunaarusiaq sullivimmut tunngasoq aamma ingerlatsiviit ilaannut sullivimmit aqunneqartumut tunngasoq aamma
- 4) aqutsisoqarfiit akisussaasut ilaasortaasa atsiorterannut atatillugu aqutsisut uppernarsaasiissutitut atsiorerat.

*Imm. 2.* Taakku saniatigut sulliviup ilanngussinnaavai ilassuteqaatitut nalunaarusiaasinnaasut, ukiumoortumik naatsorsuusiortarneq pillugu inatsimmi § 14, Kalaallit Nunaannut kunngip peqqusutaatigut atortuulersinneqartumi, naapertorlugu sananeqarsimasut.

*Imm. 3.* Sulliviit, ukiup affakkaartumik tamakkiisumik naatsorsuusiortartut, tak. imm. 1, nr. 2, ingerlatsivimmut qitiusumik quillersaqarfimmut tunngasunik ukiup affakkaartumik naatsorsuusiunngitsoorsinnaapput imm. 1, nr. 1 malillugu.

### *Ukiup affakkaartumik naatsorsuusiorneq*

**§ 3.** Ukiup affakkaartumik naatsorsuusiordermi, tak. § 2, imm.1, nr. 1, sulliviup atussavai naatsorsueriaatsit nalilersueriaatsillu pillugit najoqqutassat ukiumoortumik naatsorsuutiniittut assingi.

*Imm. 2.* Ukiumoortumik naatsorsuutitut kingullermik tamanut saqqummiunneqartunut naleqqiullugu naatsorsueriaaseq sulliviup ukiup affakkaartumik naatsorsuutimini allanngortippagu, naatsorsuusiordiaatsimik allanngiunneq pillugu aalajangersakkat ukiumoortumik naatsorsuusiorneq pillugu inatsisip § 51-ianiittut, Kalaallit Nunaannut kunngip peqqussutaatigut atortuulersinneqartumi, imaluunniit tamanna pillugu nunani tamalaani naatsorsuusiordiaasissat pillugit aalajangersakkat Kommissionimmit akuersissutigineqartut, tak. nunani tamalaani naatsorsuusiordiaasissanik tamanut saqqummiussineq pillugu Kalaallit Nunaannut nalunaarut, ukiup affakkaartumik naatsorsuusiordermi taamatulli atuutissapput.

**§ 4.** Ukiup affakkaartumik naatsorsuusiordertoqarsinnaavoq ukiup ilaanut nalunaarusiat saqqummiunneqartarnerat pillugu nunanut tamalaanut naatsorsuusiordiaaseq Kommissionimiit akuersissutigineqarsimasooq naapertorlugu.

*Imm. 2.* Naatsorsuusiordiaaseq imm. 1-imi taaneqartoq naapertorlugu sullivik ukiup affakkaartumik naatsorsuusiunngikkuni ukiup affakkaartumik naatsorsuusiussaaq skematut ilusilimmik inissitsiterlugu, taannalu minnerpaamik makkuninnga imaqassaaq:

- 1) Ilanngaatsissat ilanngaatigereerlugit kaaviiartitat,
- 2) pingaarnermik ingerlatsinerup inernerat,
- 3) aningaasaqarneq ilanngaatsissat ilanngaatigereerlugit,
- 4) akileraarutit ilanngaatiginagit piffissami angusat,
- 5) pigisat nalillit katillugit, aamma
- 6) nammineq aningaasaatit.

*Imm. 3.* Aktieselskabi iluanaarutit immikkut ittunik tunniussisimappat, imaluunniit taamaaliornissamut piginnaatitsisoqarsimappat tamanna ukiup affakkaartumik naatsorsuutit ilisimatitsissutigineqassaaq.

*Imm. 4.* Naatsorsuutini inissitsiterinerit nalaanni tamani assersuutitut allanneqassaaq ukiumi naatsorsuusiorfiusumi siuliani piffissami tassanerpiaq inissitsiterinerit. Inissitsiterinerit ukiup siuliani inissitsiterineritnut toqqaannartumik sanilliunneqarsinnaanngippata, atuutissaaq ukiumoortumik naatsorsuusiorneq pillugu inatsimmi § 24, imm. 1, Kalaallit Nunaannut kunngip peqqussutaatigut ator- tuulersinneqartoq. Naatsorsuusioriaaseq imm. 1-imi taaneqartoq malillugu ukiup affakkaartumik naatsorsuusiortoqarsimappat, atuutissapput kisitsisit sanilliunneqartartut taaneqarnissaat taakkulu naleqqussarneqarnissaat pillugit aalajangersakkat tassaniittut.

#### *Ukiup affakkaartumik tamakkiisumik naatsorsuusiorneq*

**§ 5.** Ukiup affakkaartumik tamakkiisumik naatsorsuusiornermi, tak. § 2, imm. 1, nr. 2, sulliviup naatsorsueriaatsit nalilersueriaatsillu pillugit najoqqutassat tamakkiisumik naatsorsuutiniittut assingi atussavai.

*Imm. 2.* Ukiup affakkaartumik tamakkiisumik naatsorsuusiortoqassaaq, soorlulusooq sulliviit patajaallisakkat ataatsimoorlutik tassaasut sullivik ataaseq.

*Imm. 3.* Tamakkiisumik naatsorsuutininut kingullermik tamanut saqqummiunneqartunut naleqqiul- lugu naatsorsuusioriaaseq sulliviup ukiup affakkaartumik tamakkiisumik naatsorsuutimini allann- gortippagu, naatsorsuusioriaatsimik allannguineq pillugu aalajangersakkat ukiumoortumik naatsor- suusiorneq pillugu inatsisip § 51-ianiittut, Kalaallit Nunaannut kunngip peqqussutaatigut atortuuler- sinneqartumi, imaluunniit tamanna pillugu nunani tamalaani naatsorsuusioriaasissat pillugit aala- jangersakkat Kommissionimit akuersissutigineqartut, ukiup affakkaartumik naatsorsuusiornermi taamatulli atuutissapput.

**§ 6.** Aalajangersagaq § 4-miittoq ukiup affakkaartumik tamakkiisumik naatsorsuusiornermi taa- matulli atuutissaaq.

#### *Aqutsineq pillugu nalunaarusiaq*

**§ 7.** Aqutsineq pillugu nalunaarusiaq, tak. § 2, imm. 1, nr. 3, sulliviup suliniutai, angusaa aamma nammineq aningaasaataasa nikerarnerat kiisalu pissutsit immikkut ittut pillugit eqqartuiner- mik minnerpaamik imaqassaaq, ilanngullugit eqqartorneqassallutik aningaasaliissutit annertuut sulliviup piffissami pineqartumi suliniutaanut, angusaanut namminerlu aningaasaataanut sunniuteqarsimasut. Tamatuma saniatigut aqutsineq pillugu nalunaarusiaq imaqassaaq ineriartorneq ilimagineqartoq kiisalu ukiup naatsorsuusiorfiusup sinnerani mianersornartut nalorninartullu pillugit allaaserinnin- nermik.

#### *Aqutsineq pillugu uppersaasiissutitut atsiorneq*

**§ 8.** Ukiumoortumik nalunaarusiani atsiorerit aamma aqutsisut uppersaasiissutitut atsioreri pillugit aalajangersakkat ukiumoortumik naatsorsuusiorneq pillugu inatsisip §§ 8-10-aniittut, Ka-

laallit Nunaannut kunngip peqqussutaatigut atortuulersinneqartumi, taamatulli atuutissapput ukiup affakkaartumik nalunaarusianut, nalunaarummi matumani ilaatinneqartunut.

### *Kukkunersiuiineq il.il.*

§ 9. Ukiup affakkaartumik nalunaarusiaq kukkunersiuisartumit naalagaafimmit akuerisamit kukkunersiorneqarsimappat, imaluunniit kukkunersiuisoq naalagaaffimmit akuerisaq ukiup affakkaartumik nalunaarusiamik misissuataarisimappat (review), kukkunersiuisup nalunaarutaa ukiup affakkaartumik nalunaarusiamut ilaassaaq.

*Imm. 2.* Ukiup affakkaartumik nalunaarusiaq kukkunersiuisartumit kukkunersiorneqarsimanngippat imaluunniit misissuataarneqarsimanngippat ukiup affakkaartumik nalunaarusiami tamanna pillugu ilisimatitsissuteqartoqassaaq.

### Kapitali 2

*Piffissamut qaammatinit arfinilinnit sivikinnerusumut tunngatillugu ukiup ilaanut nalunaarusiorneq*

§ 10. Sullivik, § 1-imi ilaatinneqartoq, piffissamut qaammatinit arfinilinnit sivikinnerusumut ukiup ilaanut nalunaarsiorniaruni sulliviup nammineq kisimi atugassarinnngisaatut naatsorsuusaasumik, matumunnga ilanngullugu qaammatit pingasukkaartumik nalunaarusiaq, ukiup affakkaartumik nalunaarusiat pillugit aalajangersakkat kapitali 1-imiittut ukiup ilaanut nalunaarusianut taamaattunut atuutissapput.

### Kapitali 3

*Sulliviup aningaasatigut atugai pillugit nassuiaatinik tamanut saqqummiussineq*

§ 11. Sullivik, § 1-imi ilaatinneqartoq, sulliviup aningaasatigut atugai pillugit nassuiaammik, nalunaarut manna naapertorlugu ukiup ilaanut nalunaarutaannngitsumik, tamanut saqqummiussippat, nassuiaat ukiup ilaanut nalunaarummik, ukiup affakkaartumik nalunaarummik, qaammatit pingasukkaartumik nalunaarummik, qaammatit pingasukkaartumik naatsorsuutinik assingusumilluunniit taaneqassanngilaq.

### Kapitali 4

*Maalaaruteqarsinnaaneq. Pineqaatissiissutit. Atortuulersitsineq*

§ 12. Nalunaarut manna naapertorlugu Erhvervs- og Selskabsstyrelsen aalajangiineri Erhvervsankenævniut maalaarutigineqarsinnaapput aalajangiinerup pineqartumut nalunaarutigineqarneraniit kingusinnerpaamik sap. akunneri 7-it qaangiunneranni.

§ 13. Nalunaarummik matuminnga unioqqutitsineq akiliisussanngortitaassutaassaaq, taamaattoqassananili Kalaallit Nunaanni pinerluttulerinermi inatsit malillugu allamik pineqaatissiisoqarpat.

*Imm. 2.* Unioqqutitsisoq tassaappat aktieselskabi, anpartsselskabi, andelsselskabi assigisaaluunniit (inuit inatsisitigut pisinnaatitaasut pisussaatitaasullu) ingerlatsivik taamatut akiliisussanngortinneqarsinnaavoq.

§ 14. Nalunaarut atortuulerpoq ulloq 1. august 2008 sunniuteqassallunilu ukiumut naatsorsuusiorfimmu ulloq 1. august 2008-mi kingusinnerusukkulluunniit aallartittumut.

*Inatsiseqarnermut ministereqarfik, ulloq 25. september 2008*

BRIAN MIKKELSEN

/Kira Gandrup